

Aprobación definitiva das bases reguladoras de axudas, en réxime de concesión directa, dirixidas a traballadores/as do réxime especial de autónomos da Seguridade Social afectadas pola suspensión ou peche dos locais abertos ao público polo estado de alarma decretado polo Goberno e para o impulso da actividade económica no termo municipal co fin de paliar os efectos provocados pola emerxencia sanitaria do COVID-19.

O Pleno do Concello de Muros, en sesión extraordinaria e urxente de data 13 de xuño de 2020, acordou aprobar inicialmente as bases reguladoras de axudas, en réxime de concesión directa, dirixidas a traballadores/as do réxime especial de autónomos da Seguridade Social afectadas pola suspensión ou peche dos locais abertos ao público polo estado de alarma decretado polo Goberno e para o impulso da actividade económica no termo municipal co fin de paliar os efectos provocados pola emerxencia sanitaria do COVID-19.

O anuncio da aprobación inicial destas bases publicouse no BOP N°90 do 18 de xuño de 2020, de conformidade co establecido no artigo 49 da Lei 7/1985, do 2 de abril, reguladora das bases de réxime local (LRBRL).

Transcorrido o prazo de 30 días para a información pública e audiencia aos interesados e interesadas, non se presentou ningunha reclamación ou suxestión, polo que, de conformidade co establecido no artigo 70.2 da LRBRL, as bases reguladoras de axudas, en réxime de concesión directa, dirixidas a traballadores/as do réxime especial de autónomos da Seguridade Social afectadas pola suspensión ou peche dos locais abertos ao público polo estado de alarma decretado polo Goberno e para o impulso da actividade económica no termo municipal co fin de paliar os efectos provocados pola emerxencia sanitaria do COVID-19, enténdense definitivamente aprobadas.

Ditas bases, que se transcriben a continuación, entran en vigor ao día seguinte da súa publicación no BOP

PREÁMBULO

Ante as consecuencias derivadas da crise económica provocada polo COVID-19 e a necesidade de impulsar a efectividade do desenvolvemento do emprego local no termo municipal de Muros, o obxecto destas bases é o outorgamento de axudas para paliar as perdas económicas aos autónomos e autónomas afectadas que tiveron que pechar ao público os seus locais de acordo co establecido no Real Decreto Lei 463/20 de 14 de marzo polo que se declarou o estado de alarma e contribuír ao mantemento da súa actividade económica promovendo a reactivación económica no municipio.

A finalidade que se pretende acadar é protexer o interese xeral da veciñanza de Muros dando cobertura ás persoas autónomas que mantiveron os seus establecementos pechados pola crise sanitaria.

Á vista da Lei reguladora de bases de réxime local, do artigo 4 do R.D.L. 3/2015 de 23 de outubro polo que se aproba o texto refundido da Lei de emprego, de acordo co disposto no artigo 3.3 da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostibilidade da administración local, e de conformidade cas competencias conferidas as Entidades locais no artigo 86.1.f) da Lei 5/1997, do 22 de xullo, de Administración local de Galicia, o Concello de Muros, co fin de garantir o seu papel de apoio ao desenvolvemento local, e coa necesidade de cumprir o interese social neste momento no que o tecido empresarial municipal está incorrendo en moitas perdas económicas ocasionadas pola crise sanitaria mundial, e que precisa que este Concello lle proporcione unha axuda para o beneficio da veciñanza do municipio de

acordo co interese de utilidade pública social, aproba as seguintes bases reguladoras de axudas para autónomos/as obrigados/as a suspender a apertura dos seus locais ao público segundo o Estado de Alarma decretado polo Goberno e para o impulso da actividade económica no termo municipal de Muros co fin de paliar os efectos provocados pola emerxencia sanitaria do COVID-19.

Artigo 1. Obxecto e finalidade

O obxecto destas bases é a convocatoria de axudas para o mantemento do tecido empresarial do Concello de Muros e mitigar as perdas económicas aos autónomos e autónomas afectadas pola crise económica provocada polo COVID-19.

Estas axudas están destinadas aos/ás traballadores/as de alta no réxime especial de autónomos da Seguridade Social que tiveron que pechar ao público os seus locais para facilitar o cumprimento das súas obrigas empresariais, o mantemento da actividade, a adopción de novas medidas de seguridade ante o COVID-19 e paliar a redución de ingresos provocada pola entrada en vigor do Real Decreto 463/2020, de 14 de marzo polo que se declara o estado de alarma para a xestión da situación da crise sanitaria ocasionada polo COVID-19.

Artigo 2. Normativa aplicable

O que nesta disposición de carácter xeral se dispoña, así como o establecido na Lei 38/2003 de 17 de novembro, xeral de subvencións, e o seu regulamento de desenvolvemento, así como na Lei 9/2007 de subvencións de Galicia e ao establecido na Lei 39/2015 de procedemento administrativo común das administracións públicas.

Artigo 3. Beneficiarios

1. Poderán solicitar estas axudas as persoas físicas ou entidades con personalidade xurídicas afectadas polo anexo do Real Decreto Lei 463/20 de 14 de marzo polo que se declarou o estado de alarma, co fin de contribuír ao mantemento da súa actividade económica e promovendo así a reactivación económica no municipio.

2. Tamén poderán acceder a estas axudas os autónomos e autónomas que tiveron que cesar a súa actividade por algunha destas causas:

- a) Imposibilidade total de realizar teletraballo.
- b) Atoparse pechados os establecementos nos que presta o servizo.
- c) Non poder acceder aos centros de traballo debido ás limitacións de mobilidade.
- d) Non poder conseguir as materias primas para levar a cabo a súa actividade produtiva.
- e) Non ter a posibilidade de acceder á clientela debido ás limitacións da mobilidade.
- f) Calquera outro motivo de natureza tal que non permitira levar a cabo a acción profesional relacionada co obxecto desta convocatoria.

A finalidade que se pretende acadar é protexer o interese xeral da veciñanza de Muros dando cobertura ás persoas autónomas que mantiveron os seus establecementos pechados pola crise sanitaria.

Artigo 4. Crédito orzamentario

A contía destinada a atender as solicitudes que se presenten ascende a un importe de 50.000,00 € do orzamento municipal vixente e con cargo á seguinte aplicación orzamentaria: 20/241.47000.

Artigo 5. Contía das axudas

Concederáse unha contía máxima de 630,00 € por autónomos e autónomas titulares dunha actividade económica no Concello de Muros e que se viran afectados polo crise sanitaria do COVID-19.

Os criterios e valoración para o cálculo do importe da subvención son os seguintes:

- a) Autónomos e autónomas sen empregados, 1 punto.
- b) Autónomos e autónomas que conten no seu cadro de persoal no mes de marzo de 2020 con un ou dous traballadores/as, 1.3 puntos.
- c) Autónomos e autónomas que conten no seu cadro de persoal no mes de marzo de 2020 con tres ou máis traballadores/as, 1.4 puntos.

Procederáse ao rateo do importe global máximo, segundo o artigo 19.3 da Lei 9/2007, aplicando o seguinte proceso:

1º Cálculo do valor de cada punto. Súmase o número total de puntos obtidos polos/as solicitantes e calcúlase o importe que lle corresponda a cada punto de acordo coa seguinte fórmula $50.000,00 \text{ €} / \text{puntos totais conseguidos polos/as solicitantes}$.

2º Cálculo do importe da axuda concedida a cada beneficiario. Multiplícase o resultado da operación anterior polo número de puntos obtido por cada solicitante.

Estas axudas serán compatibles con calquera outra concedida por entidades públicas ou privadas, estatais, autonómicas, sempre que o importe das axudas que se perciban polo mesmo concepto non superen o custo total de gastos subvencionables.

Artigo 6. Requisitos para ser beneficiario das axudas

Poderán solicitar esta subvención os autónomos e autónomas que cumpran os seguintes requisitos:

- a) Que actividade que desenvolve a persoa beneficiaria da axuda se atope no termo municipal de Muros e que tivera que pechar o seu establecemento debido ao estado de alarma decretado polo estado.
- b) Estar dada de alta no réxime da Seguridade Social ou na mutua correspondente, así como, en Facenda na data de declaración do estado de alarma
- c) Non atoparse incursas en ningunha das circunstancias recollidas no artigo 13 da Lei xeral de subvencións que será acreditado mediante declaración responsable
- d) Estar ao corrente no cumprimento das obrigas tributarias coa AEAT e co TGSS (este requisito deberá cumprirse na data de presentación da solicitude e na data de pagamento da subvención).
- e) Non ter débeda pendente co Concello de Muros dende a data de presentación da solicitude ata a data de pagamento da axuda (este requisito será comprobado de oficio pola administración local).

Artigo 7. Réxime de concesión

A concesión das subvencións realizarase en réxime concesión directa e coa resolución da subvención concedida asinarase un convenio entre a persoas beneficiarias e a Alcaldía do Concello de Muros. Non serán obxecto de axuda os gastos que non se relacionan no artigo 13 destas bases.

Artigo 8. Forma e prazo de presentación de solicitudes

As solicitudes deberán formularse no modelo normalizado (Anexo I) e presentaranse preferentemente pola sede electrónica do Concello de Muros (sede.muros.gal). O prazo para a presentación será de 20 días dende a publicación da convocatoria específica aprobada pola Alcaldía no Boletín Oficial da Provincia da Coruña. A presentación da solicitude fóra de prazo e a non utilización do modelo normalizado de uso obrigatorio serán causa de non admisión. Se o último día fose inhábil, entenderase prorrogado ao primeiro día hábil seguinte.

Igualmente, estas solicitudes tamén poderán presentarse no rexistro xeral do Concello, en horario de atención ao público (de 9.00 a 14.00 h), ou por calquera das formas previstas no artigo 16.4 da Lei 39/2015, de 1 de outubro, do procedemento administrativo común das administracións públicas; neste último caso, as persoas interesadas deberán enviar copia da solicitude ao seguinte Fax: 981 762 257, ou enderezo electrónico: notifica@muros.gal, durante o mesmo prazo ca o de presentación de solicitudes. En caso contrario, quedarán excluídas do proceso.

As persoas interesadas poderán obter copia do Anexo I (modelo de solicitude) no rexistro xeral do Concello ou no taboleiro de anuncios da sede electrónica do Concello de Muros (sede.muros.gal).

Artigo 9. Documentación a achegar

Xunto coa solicitude (Anexo I cuberto e asinado) deberán achegar a seguinte documentación:

1. DNI ou NIE
2. Certificado actualizado da situación censal no que se indique a actividade económica, data de alta, domicilio fiscal e local de desenvolvemento da actividade.
3. Recibo do pagamento da cota no réxime especial de traballadores autónomos ou da mutua profesional correspondente do mes de marzo de 2020.
4. Certificación de conta bancaria.
5. Relación nominal de traballadores do mes de marzo de 2020 emitido pola Seguridade Social e documento de liquidación do mesmo.
6. Certificados de estar ao corrente no cumprimento das obrigas tributarias coa Axencia Estatal da Administración Tributaria (AEAT), fronte á Seguridade Social (TGSS), ou autorización asinada pola persoa interesada ou representación legal para que o Concello de Muros realice a consulta.
7. Declaracións doutras axudas e subvencións solicitadas ou concedidas para a mesma finalidade.

Ademais deberá achegar a seguinte documentación:

Declaración responsable asinada pola persoa interesada ou representación legal ou apoderado da persoa ou empresa solicitante que conterà o pronunciamento expreso das seguintes cuestións (Anexo I):

1. Que a actividade desenvolvida viuse afectada polo peche do establecemento disposto no estado de alarma decretado polo goberno estatal, identificando o suposto que lle afecta dos establecidos no artigo 3 destas bases.
2. Que a persoa solicitante asume o compromiso de destinar a subvención á finalidade prevista.
3. Que a persoa solicitante non está incurso nas prohibicións para obter a condición de beneficiaria e para ser receptora do pagamento establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34.
4. Que a persoa solicitante comprométese ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.
5. Declaración responsable de non ter sido declarada insolvente en calquera procedemento, non atoparse declarada en concurso que non adquirira eficacia mediante convenio, e de non estar suxeito a intervención xudicial ou ter sido inhabilitada consonte a Lei 22/2003, do 9 de xullo, concursal.

Artigo 10. Procedemento e instrución do procedemento

O procedemento de tramitación e concesións de axudas solicitadas ao abeiro desta convocatoria axustarase ao disposto no artigo 19.2 da Lei 9/2007, do 13 de xuño, de subvencións de Galicia e realizarase por concesión directa da axuda tras a comprobación do cumprimento dos requisitos establecidos nestas bases, e ata o importe máximo de 50.000 € consignados no orzamento municipal.

A instrución do procedemento corresponderá ao departamento de Desenvolvemento Local que realizará de oficio cantas actuacións estime necesarias para a determinación, coñecemento e comprobación dos datos en virtude dos cales deba formularse a proposta de resolución.

Nomearase unha Comisión de Verificación, composta pola concelleira de Economía e Facenda ou persoa en quen delegue, que actuará como Presidencia, e un número mínimo de dous/dúas técnicos/as designados/as pola Alcaldía, actuando un/unha deles/as como Secretaría, quen formulará proposta de concesión previo informe do órgano instructor respecto do cumprimento polos/as solicitantes dos criterios previstos nestas bases e da aplicación dos criterios de puntuación.

Corresponde a esta comisión a interpretación e aclaración das dúbidas que se presenten na aplicación destas bases.

A concesión da subvención efectuarase en réxime de concesión directa, distribuíndo o importe total entre as solicitudes presentadas segundo o previsto no artigo 5 destas bases.

Se resultase que a documentación estea incompleta ou sexa defectuosa, requiriráselle á persoa interesada para que no prazo de 10 días, a partir do día seguinte á data de notificación, achegue a documentación necesaria ou corrixa os defectos observados, facéndolle saber que, no caso de incumprimento, entenderase que desiste da súa solicitude.

As notificacións de resolucións e actos administrativos practícaranse nos termos previstos na normativa reguladora do procedemento administrativo común. Non obstante, tendo en conta as excepciónais circunstancias deste estado e dado que é requisito a formalización do convenio, as notificacións serán practicas no correo electrónico designado pola persoa solicitante.

Artigo 11. Pagamento da subvención

O pagamento destas subvencións realizarase unha vez que se dite resolución de concesión e se asine o preceptivo convenio, este será único, en concepto de anticipo e mediante transferencia bancaria, a partir da data da resolución de concesión da axuda, sen que sexa necesaria a constitución de garantías.

No caso de incumprimento das obrigas detalladas nesta convocatoria, o órgano instrutor, iniciará de oficio expediente administrativo que, previa audiencia á persoa interesada, propondrá a iniciación de procedemento de reintegro dos fondos, xunto coa liquidación dos xuros de mora correspondentes.

Artigo 12. Obrigas das persoas e empresas beneficiarias

Son obrigas das persoas e empresas beneficiarias da axuda:

1. Manter a actividade económica e os postos de traballo que serviron para a concesión desta axuda, durante 6 meses, como mínimo, dende a data de declaración do estado de alarma establecido no RD 463/2020, de 14 de marzo.
2. Someterse as actuacións de comprobación e control financeiro previstas pola vixente normativa en materia de subvencións a exercer pola Intervención municipal.
3. Proceder ao reintegro dos fondos percibidos nos supostos contemplados no artigo 37 da Lei xeral de subvencións, e en particular, por obter a subvención falseando as condicións requiridas ou ocultando aquelas que o impediron, ou mostrar resistencia, excusa, obstrución ou negativa ás actuacións de comprobación e control financeiro prevista no artigo 14 da Lei xeral de subvencións.
4. Cumprir as restantes obrigas que detalla o artigo 14 da Lei xeral de subvencións.
5. No caso de que a persoa ou empresa beneficiaria se atope comprendida nos supostos do artigo 3.b) da Lei 19/2013, de 9 de decembro, de transparencia, acceso á información pública e bo goberno, deberá adaptarse ás obrigas de publicidade activa que lle resulten aplicables.
6. Xustificar a subvención segundo o establecido no seguinte artigo.

Artigo 13. Xustificación das axudas

As persoas ou empresas beneficiarias deberán xustificar a subvención recibida mediante a presentación da conta xustificativa simplificada prevista no artigo 75 do RD 887/2006, do 21 de xullo, coas especificacións adicionais recollidas e achegando en todo caso facturas efectivamente pagadas no período comprendido entre 14 de marzo e o 13 de setembro de 2020 correspondentes aos seguintes gastos:

1. Gastos ocasionados polas medidas de seguridade implantadas debidas ao COVID-19.
2. Gastos de aluguer.
3. Seguros sociais do empresario non bonificados por outras administracións públicas.
4. Gastos de reparacións e conservación.
5. Gastos de primas de seguros (parte proporcional correspondente aos 6 meses).

6. Gastos de subministracións e gastos correntes: auga, teléfono, electricidade, gas, servizos de seguridade e outros gastos análogos.

Así mesmo, deberán presentar unha declaración actualizada doutras axudas e subvencións solicitadas ou concedidas para a mesma finalidade.

O prazo para presentar a xustificación será nos dous meses seguintes dende a notificación da concesión da subvención.

Artigo 14. Reintegro das subvencións

No caso de incumprimento da obriga de xustificación dentro do prazo regulamentario, iniciarase o expediente de reintegro previsto no artigo 92 e seguintes do RD 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións e de anulación do compromiso de gasto.

O reintegro do importe percibido, cando cumpra, rexerese polo disposto no título II da Lei xeral de subvencións e polo título III do regulamento de desenvolvemento da Lei de subvencións.

Xunto ás causas de invalidez da resolución de concesión, recollidas no artigo 36 da Lei xeral de subvencións, darán lugar á obriga de reintegrar, total ou parcialmente, as cantidades percibidas, así como, a esixencia dos xuros de mora correspondentes desde a data do pagamento da subvención ata que se acorde a procedencia do reintegro, os supostos previstos con carácter xeral no artigo 37 da Lei xeral de subvencións.

En particular, operarán a seguinte causa de reintegro:

Se a persoa ou empresa beneficiaria incumpre a obriga de manter a actividade empresarial durante os 6 meses establecidos na base 12 desta convocatoria, procederá ao reintegro da parte proporcional dos meses pendentes de cumprimento. E sen prexuízo de iniciar o procedemento de reintegro, no caso de incumprimento das obrigacións establecidas con motivo da concesión da subvención, a persoa ou empresa beneficiaria poderán comunicar ao órgano xestor, por rexistro de entrada, este feito e efectuar a devolución voluntaria da cantidade percibida.

Artigo 15. Datos de carácter persoal

Os datos persoais obtidos neste procedemento serán tratados, na súa condición de responsable, polo Concello de Muros coa finalidade de levar a cabo a tramitación administrativa que derive da xestión deste procedemento. O tratamento dos datos baséase no cumprimento dunha misión de interese público. Con todo, determinados tratamentos poderán fundamentarse no consentimento das persoas interesadas.

Os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou por obriga legal.

As persoas interesadas poderán exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica do concello de Muros ou presencialmente nos lugares e rexistros establecidos na normativa reguladora do procedemento administrativo común.

Todo o cal se informa en cumprimento do disposto nos arts. 11 e ss. da Lei Orgánica 3/2018, de 5 de decembro, de protección de datos de carácter persoal e a súa normativa de desenvolvemento.

ANEXO I

SOLICITUDE DE AXUDAS PARA PALIAR AS CONSECUCENCIAS ECONÓMICAS DERIVADAS DA CRISE SANITARIA OCACIONADA POLO BROTE DE CORONAVIRUS COVID19

1.- DATOS DO/DA SOLICITANTE

DNI/NIE	
Apelidos e nome	
Enderezo	
Teléfono	
Correo electrónico	

2.- DATOS A EFECTOS DE NOTIFICACIÓNS

Enderezo	
Teléfono	
Correo electrónico	

Autorizo a notificación electrónica como medio de notificación preferente

3.- DATOS DO ESTABLECEMENTO OU LOCAL

Actividade económica	
Epígrafe IAE	
Código CNAE	
Enderezo fiscal/actividade	
Representante/DNI	

4.- AUTORIZACIÓNS

1.- Autorizo ao Concello de Muros para que solicite en calquera momento da tramitación da subvención certificación de atoparse ao corrente no cumprimento das obrigas tributarias coa AEAT, ATRIGA, e Seguridade Social e co Concello de Muros, e a súa situación no censo de actividades económicas da AEAT .

Si Non

2.- Que aos efectos da Lei Orgánica 3/2018, de 5 de decembro, de protección de datos persoais e garantía dos dereitos dixitais, o solicitante ou representante legal asinante deste documento, autoriza ao Concello de Muros, a incorporar estes, ou aqueles outros dos que tivera coñecemento como consecuencia da relación iniciada, a un ficheiro automatizado responsabilidade do Concello de Muros que ten por finalidade dar cumprimento as funcións a realizar dentro do proceso de trámite, xestión, concesión e pagamento encomendados pola Lei 38/2003, Xeral de Subvencións e normativa de desenvolvemento, así como para a xestión doutros servizos ou programas de iniciativa municipal do seu posible interese. Así mesmo, comprométese a comunicar no menor prazo de tempo posible, calquera variación dos datos manifestados co fin de poder proceder a súa actualización.

Si Non

5.- DECLARACIÓN RESPONSABLE

Que a actividade desenvolvida viuse afectada polo peche de establecementos dispostos no RD 463/2020 de 14 de marzo, no/s seguinte/s suposto/s do artigo 3 das bases.

3.1 3.2.a 3.2.b 3.2.c 3.2.d 3.2.e 3.2.f

Que a persoa solicitante asume o compromiso de destinar a subvención á finalidade prevista.

Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e apartado 5 do artigo 34 da mesma.

Que a persoa solicitante se compromete ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.

Que a persoa solicitante se compromete á comunicación das subvencións concedidas con anterioridade á presentación da subvención coa mesma finalidade e o compromiso de comunicará maior brevidade posible as axudas obtidas con posterioridade á presentación da solicitude e antes da resolución da mesma, sen que en ningún caso, no seu conxunto, superen o 100% dos gastos subvencionables.

6.- DOCUMENTACIÓN A ACHEGAR

No caso de persoa física

- DNI/NIE
- Certificado actualizado de Situación Censal que indique a actividade económica coa súa data de alta, o domicilio fiscal ou no seu caso o do local de desenvolvemento da actividade.
- Certificados de atoparse ao corrente no cumprimento das obrigas tributarias coa Axencia Estatal da Administración Tributaria (AEAT) e fronte a Seguridade Social (TGSS), no caso de non autorizar ao Concello a súa consulta.
- Xustificante pago Autónomos período liquidación marzo 2020
- Modelo de designación de conta bancaria ou certificación bancaria.
- Relación nominal de traballadores e documento de liquidación do mes de marzo do 2020, emitidos pola Seguridade Social.

- En relación con outras subvencións, axudas, recursos ou ingresos concedidos ou solicitados:

Non solicitou nin recibiu ningunha outra subvención, axuda, recurso ou ingreso para este mesmo proxecto ou conceptos para os cales solicita esta subvención.

Si solicitou e/ou recibiu outras subvencións, axudas, recursos ou ingresos para este mesmo proxecto ou conceptos para os cales solicita esta subvención, que son as que a seguir se relacionan:

ORGANISMO	ANO	DISPOSICIÓN REGULADORA	IMPORTE (€)

En Muros, de do 2020.

Asdo.

ANEXO II

CONVENIO DE COLABORACIÓN ENTRE O CONCELLO DE MUROS (A CORUÑA) E _____ QUE REXERÁ PARA AS AXUDAS A PERSOAS AUTÓNOMAS AFECTADAS POLA SUSPENSIÓN OU PECHE DOS LOCAIS AO PÚBLICO SEGUNDO O ESTADO DE ALARMA DECRETADO POLO GOBERNO E PARA O IMPULSO DA ACTIVIDADE ECONÓMICA NO TERMO MUNICIPAL DE MUROS CO FIN DE PALIAR OS EFECTOS PROVOCADOS POLA EMERXENCIA SANITARIA DO COVID-19

REUNIDOS

Dunha parte, a alcaldesa do Concello de Muros, D^a _____ con DNI _____, no uso das atribucións que lle confire o artigo 21.1.f) da Lei 7/1985, do 2 de abril, reguladora das bases de réxime local.

E doutra D. _____ con DNI _____, actúa en nome propio, e domicilio _____

As dúas partes recoñécense entre si a capacidade xurídica suficiente e o poder bastante para obrigáranse neste convenio e, para este efecto.

EXPOÑEN

1. O Concello de Muros ten pretensión de dotar no ano 2020 un crédito inicial na aplicación 20/241.47000 do Orzamento Municipal para ese exercicio en concepto a transferencias correntes para o 2020.
2. O Concello de Muros, ante as consecuencias derivadas da crise económica provocada polo COVID-19 debe axudar a paliar as perdas económicas ás persoas dadas de alta no réxime especial de traballadores/ as autónomas afectadas pola declaración do estado de alarma e contribuír ao mantemento da súa actividade económica promovendo a reactivación económica no municipio.
3. A actividade que desenvolve _____ veuse afectada economicamente pola declaración do estado de alarma provocado polo COVID-19.
4. O artigo 28.1 da Lei 38/2003, do 17 de novembro, xeral de subvencións, establece que os convenios serán o instrumento habitual para canalizar as subvencións de concesión directa.
5. Que debido ao obxecto subvencionable, consistente en protexer o interese xeral da veciñanza de Muros dando cobertura ás persoas autónomas que mantiveron os seus establecementos pechados pola crise sanitaria.

Por todo o anterior, todas as partes interesadas acordan formalizar este convenio para establecer as obrigas e dereitos de cada unha delas atendendo ás seguintes,

CLÁUSULAS

(1ª) PRIMEIRA. OBXECTO, ÁMBITO TERRITORIAL E COMPATIBILIDADE CON OUTRAS SUBVENCÍONS

1. O obxecto deste convenio é contribuír dende o Concello de Muros a axudar a paliar as perdas económicas ás persoas autónomas afectadas pola declaración do estado de alarma e contribuír ao mantemento da súa actividade económica promovendo a reactivación económica no municipio de acordo cos seguintes fundamentos xurídicos:

- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración local.

- Lei 7/1985, do 2 de abril, reguladora das bases de réxime local.
- Lei 5/1997, do 22 de xullo, de Administración Local de Galicia.

2. Gastos subvencionables. Serán gastos subvencionables os efectivamente realizados e pagados no período comprendido entre 14 de marzo ao 13 de setembro de 2020, correspondentes aos seguintes gastos,

- Gastos ocasionados polas medidas de seguridade implantadas debidas ao COVID-19.
- Gastos de aluguer.
- Soldos e seguros sociais do/a empresario/a.
- Reparacións e conservación.
- Primas de seguros (parte proporcional correspondente aos 6 meses).
- Subministracións e gastos correntes: auga, teléfono, electricidade, gas, servizos de seguridade e outros gastos análogos.

3. As subvencións reguladas neste convenio serán compatibles con outras axudas ou subvencións percibidas polas entidades beneficiarias para a mesma finalidade procedentes doutras entidades públicas ou privadas. A súa suma non poderá superar o gasto total das actividades que son obxecto deste convenio e descritas anteriormente.

(2ª) SEGUNDA. ÁMBITO TEMPORAL E VIXENCIA

Este convenio estenderá a súa vixencia desde a data da súa sinatura ata o 31 de decembro de 2020, sen prexuízo da realización das accións de control que se deriven unha vez finalizada a súa vixencia.

(3ª) TERCEIRA. OBRIGAS DAS ENTIDADES BENEFICIARIAS

De acordo coas bases de execución do orzamento e coa Lei 38/2003, do 17 de novembro, xeral de subvencións, d. _____, obríganse a:

1. Presentar no prazo de dous meses dende a sinatura deste convenio e en todo caso antes do 31/12/2020 facturas orixinais ou fotocopias compulsadas pola Secretaría da corporación ou autenticadas ante notaría xustificativas dos gastos efectuados que teñan relación directa ou indirecta co obxecto deste convenio, cos requisitos formais e materias esixidos polo RD 1619/2012, do 30 de novembro, polo que se aproba o Regulamento polo que se regulan as obrigas de facturación. Considéranse gastos subvencionables os previsto no punto 2 da cláusula primeira deste contrato.
2. Presentar xustificantes do gasto realizado cos requisitos do parágrafo anterior por importe equivalente á cantidade a abonar, en caso contrario o importe da axuda reduciríase ata a cantidade xustificada, procedendo ao inicio do expediente de reintegro.
3. Antes de realizar calquera pagamento, presentar acreditación de estar ao corrente das obrigas tributarias e coa Seguridade Social no caso de non ter autorizado ao Concello a consulta na solitude.
4. Comunicar ao Concello de Muros por escrito a solitude e obtención de axudas para a mesma finalidade procedentes de calquera outra administración ou ente público.
5. Se é o caso, comunicar por escrito a modificación das circunstancias que motivaron a concesión da subvención.

6. Atender calquera requirimento realizado pola Intervención municipal no exercicio das funcións de control financeiro que lle atribúe o artigo 44 e seguintes da Lei 38/2003, do 17 de novembro, xeral de subvencións e o artigo 214 do RD lexislativo 2/2004, do 5 de marzo, polo que se aproba o texto refundido da Lei reguladora das facendas locais.
7. Someterse ás actuacións de comprobación, a efectuar polo órgano, así como calquera outra comprobación e control financeiro que poidan realizar os órganos de control competentes, achegando canta información lles sexa requirida no exercicio das anteriores actuacións.
8. As previstas con carácter taxado no artigo 14 da Lei 38/2003, do 17 de novembro, xeral de subvencións.

(4ª) CUARTA. OBRIGAS DO CONCELLO DE MUROS

1. O Concello de Muros realizará o pagamento anticipado previa acreditación polo beneficiario de estar ao corrente no cumprimento da obrigas tributaria e fronte a Seguridade Social e non ser debedor por resolución de procedencia de reintegro, da cantidade de _____€ con imputación na partida 20/241.47000 do Estado de Gastos do Orzamento Municipal de 2015 -prorrogado no exercicio 2020, no seguinte número de conta:

- Apelidos e nome do titular
- Número de conta
- Entidade bancaria

2. A entidade beneficiaria queda exonerada da constitución da garantía para a tramitación deste pagamento.

(5ª) QUINTA. PRAZO E MODALIDADE DE XUSTIFICACIÓN

1. D _____, asume o compromiso ante o Concello de Muros, no prazo de dous meses dende a sinatura deste convenio e en todo caso antes do 31/12/2020 mediante a presentación da seguinte documentación:

- a) Facturas de gasto de acordo co establecido no número 1 da cláusula terceira deste convenio.
- b) Declaración doutras axudas e subvencións solicitadas ou percibidas por outros organismos para a mesma finalidade.

2. Tanto a ampliación do prazo de xustificación como os prazos de emenda da documentación xustificada rexerese pola Lei 9/2007, do 13 de xuño, de subvencións de Galicia.

(6ª) SEXTA. PERDA DO DEREITO DE COBRO

Producirase a perda do dereito de cobro total ou parcial da subvención por falta de xustificación no prazo fixado no parágrafo 1º da cláusula terceira deste convenio, e pola concorrencia dalgunha das causas previstas no artigo 37 da Lei 38/2003, do 17 de novembro, xeral de subvencións.

(7ª) SÉTIMA. REINTEGRO

1. Procederá o reintegro das cantidades percibidas cando recaia resolución xudicial ou administrativa de nulidade ou anulación da resolución de concesión.

2. Tamén procederá o reintegro e a esixencia de intereses de demora correspondente desde o momento do pagamento da subvención ata a data na que se acorde o procedemento de reintegro nos casos previstos no artigo 37.1 da Lei 38/2003, do 17 de novembro, xeral de subvencións.

3. O procedemento de reintegro será o establecido no Capítulo I e II do Título II da Lei 38/2003, do 17 de novembro, xeral de subvencións.

(8ª) OITAVA. INTERPRETACIÓN E CUMPRIMENTO

1. As dúbidas que se presenten na súa interpretación, e cando se formulen discrepancias, serán resoltas pola Alcaldía do Concello de Muros, previo informe da Secretaría e Intervención municipal.

2. O incumprimento de calquera das cláusulas deste convenio constituirá causa suficiente da súa rescisión, dando lugar ao reintegro que en cada caso proceda.

3. Este convenio ten natureza administrativa. A xurisdición contencioso-administrativa será competente para o coñecemento de posibles cuestións litixiosas que poidan suscitarse como consecuencia do mesmo.

4. En todo o non previsto neste convenio, estarase ao disposto nas seguintes ordenacións xurídicas:

- f) Lei 38/2003, do 17 de novembro, xeral de subvencións.
- g) Lei 9/2007, do 13 de xuño, de subvenciones de Galicia.
- h) Real Decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións.
- i) Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.
- j) Lei 7/1985, do 2 de abril, reguladora das bases de réxime local.
- k) RD lexislativo 2/2004, do 5 de marzo, polo que se aproba o texto refundido da Lei reguladora das facendas locais, nas Bases de execución do orzamento, e demais disposicións de aplicación.

(9ª) NOVENA. EFICACIA E ENTRADA EN VIGOR

As obrigas económicas previstas neste convenio entrarán en vigor a partir do día seguinte en que sexa executivo o expediente núm. 235/2020 (4/2020TCV) de transferencia de crédito, quedando condicionada a súa eficacia a previa xustificación da existencia de dotación orzamentaria no Orzamento Municipal de dito exercicio, ou na prórroga do vixente, extremo que se acreditará mediante a incorporación ao mesmo do documento AD, sen que sexa preciso trámite adicional algún.

Este convenio obriga ao cumprimento do expresamente pactado, someténdose todas as partes ao acordado en todas as estipulacións, estendéndose por triplicado exemplar no lugar e data arriba indicados.

En proba de conformidade, asinamos en exemplar duplicado, no lugar e na data que se indican a seguir.

Muros,

ANEXO III

MODELO MEMORIA XUSTIFICATIVA

AXUDAS EN RÉXIME DE CONCESIÓN DIRECTA DIRIXIDAS A TRABALLADORES/AS DO RÉXIME ESPECIAL DE AUTÓNOMOS DA SEGURIDADE SOCIAL AFECTADAS POLA SUSPENSIÓN OU PECHE DOS LOCAIS ABERTOS AO PÚBLICO POLO ESTADO DE ALARMA DECRETADO POLO GOBERNO E PARA O IMPULSO DA ACTIVIDADE ECONÓMICA NO TERMO MUNICIPAL DE MUROS CO FIN DE PALIAR OS EFECTOS PROVOCADOS POLA EMERXENCIA SANITARIA DO COVID-19

1. Datos do beneficiario

--	--	--	--

2. Memoria de actuación xustificativa do cumprimento das condicións impostas na concesión da subvención, con indicación das actividades realizadas e dos resultados obtidos

3. Declaración dos gastos

Relación clasificada dos gastos e investimentos da actividade realizada

Acredor	CIF	Concepto	Nº documento	Data emisión	Importe C/IVE	Data pagamento

4. A persoa representante declara

Que en relación con outras subvencións, axudas, recursos ou ingresos concedidos ou solicitados:

Non solicitou nin recibiu ningunha outra subvención, axuda, recurso ou ingreso para este mesmo proxecto ou conceptos para os cales solicita esta subvención.

Si solicitou e/ou recibiu outras subvencións, axudas, recursos ou ingresos para este mesmo proxecto ou conceptos para os cales solicita esta subvención, que son as que a seguir se relacionan:
